

醫宗撮精卷三

古吳薛

已立齋著

樵李黃承昊履素評輯

△脾腎虧損頭眩痰氣等症

梁閣老短氣有痰小便赤澁足跟作痛尺脈浮大按之則濇此腎虛而痰飲也用四物送六味丸不月而康仲景先生云氣虛有飲用腎氣丸補而逐之誠開後學之朦瞶濟無窮之天枉腎氣丸卽六味丸也

四物湯治頭目不清故用之

孟都憲氣短痰暈服辛香之劑痰盛遺尿兩尺浮大按之如無余以爲腎家不能納氣歸源香燥致甚耳用八味丸料三劑而愈

孫都憲形體豐厚勞神善怒面帶陽色口渴吐痰或頭目眩暈或熱從腹起左三脈洪而有力右三脈洪而無力余謂足三陰虧損用補中益氣加麥門五味及加減八味丸而愈若人少有勞態不耐寒暑不勝勞役四時迭病皆因少時氣血方長而

勞心虧損或精血未滿而御女過傷故其見症難以悉狀此精氣不足但滋化源其病自痊又若飲食勞役七情失宜以致諸症亦當治以前法設或六淫所侵而致諸症亦因真氣內虛而外邪乘襲尤當固胃氣爲主蓋胃爲五臟之根本故黃栢知母不宜輕用恐復傷胃氣也大凡雜症屬內因乃形氣病氣俱不足當補不當瀉傷寒雖屬外因亦宜分其表裏虛實治當審之

先生此論發前人之奧義開後世之拘攣救

人利物德莫大焉滋化源固胃氣真醫雜症者之龜鑑讀者須細心體察不得草草

王錄之素痰甚導吐之後大便燥結頭暈眼花等症尺脈浮大按之則瀦此胃氣虛而兼血虛也四物送六味丸四劑諸症悉退仍用前丸月餘而康高如齋素吐痰服下痰藥痰去甚多大便秘結小便頻數頭暈眼花尺脈浮大按之如無余謂腎家不能納氣歸源前藥復耗金水而甚用加減八味丸料煎服而愈

楊文魁素唾痰諸藥不應服牛黃清心丸吐痰甚多或頭暈或熱從脇起左脈洪大有力右脈浮大而無力余曰此足三陰虧損虛火不能歸源用補中益氣加麥門五味及加減八味丸補其化源而愈

張碧崖面赤作渴痰盛頭暈此腎虛水泛爲痰用地黃丸而愈

賀朝卿吞酸胸滿痰盛作瀉飲食少思用清氣化痰等藥前症益甚兩膝漸腫寒熱往來余謂脾胃

虛濕熱下注用補中益氣倍參朮加茯苓半夏炮薑而愈

王天成頭暈惡寒形體倦怠得食稍愈勞而益甚寸關脈浮大此脾肺虛弱用補中益氣加蔓荊子而愈後因勞役發熱惡寒謔言不寐得食稍安用補中益氣湯而痊

祝大尹因怒頭暈拘內筋攣時或寒熱日晡熱甚此肝火筋攣氣虛頭暈用八珍加柴胡山梔牡丹皮二十餘劑而愈

顧桐石會飲於周上舍第問余曰向孟有涯東谷
俱爲無嗣納寵已而得疾皆頭暈吐痰並用蘇合
香丸惟有涯得生何也余曰二症因腎氣不能納
氣而爲頭暈不能制水而爲痰涎東谷專主攻痰
行氣有涯專於益火補氣故耳後余應杭人之請
桐石房勞過度亦患前症或用清氣化痰愈甚顧
曰我病是腎虛不能納氣歸源治者不悟而歿惜
哉

一男子素厚味胸滿痰盛余曰膏粱之人內多積

醫宗指掌 卷三
熱與法製清氣化痰丸而愈彼爲有驗修合餽送
脾胃虛者無不受害

先兄體貌豐偉唾痰甚多脈洪有力殊不耐勞遇
風頭暈欲仆口舌欲裂或至赤爛誤食姜蒜少許
口瘡益甚服八味丸及補中益氣加附子錢許卽
愈停藥月餘諸症仍作此命門虛火不歸源也

譚希曾喘咳吐痰或手足時冷此中氣虛寒用補
中益氣炮姜而愈

盧抑齋飲食素少或痰壅氣喘頭搖目劓揚手擲

足難以候脈視其面色黃中見青此肝木乘脾土
如小兒慢驚之症先用六君柴胡升麻而安更以
補中益氣加半夏而痊

楊樸菴嘔吐痰涎胸腹膨脹飲食少思左關脈弦
長按之無力右關脈弦長按之微弱此木尅土用
六君子加柴胡山梔木香而愈

一儒者體肥善飲仲秋痰喘用二陳苓連益甚加
桑皮杏仁盜汗氣促加貝母枳殼不時發熱余以
爲脾肺虛寒用八味丸以補土母補中益氣以接

中氣而愈

陳子忠飲食少思吐痰口乾常服二陳枳實黃連之類脾胃受傷乃問於余余曰脾胃之症實則枳實黃連瀉之虛則白朮陳皮補之彼遂以二味等分爲丸常服由是多食而不傷過時而不饑

徽州江商常服二陳枳實黃連青皮厚朴胸腹快利後患腹脹請治脈已脫余曰至暮必歿已而果然內經千言萬語只在人有胃氣則生又曰四時皆以胃氣爲本凡脈促代屋漏之類或暴脫余急

用參附等藥多有復生者

一武職形體魁梧素不圍爐不喜熟食行則喘促
自謂氣實老痰服碑記丸攻伐之診其脈洪數重
按全無余謂命門火衰脾肺虛寒與八味丸一服
痰喘稍止數服全止遂能親火喜熱飲食蓋碑記
丸出自西域經云西域水土剛強其民不衣而褐
薦其民華色而脂肥故邪不能傷其形體其病生
於內其治其毒藥由此觀之恐不可槩用也

陸中舍以腎虛不能攝水肚腹脹大用前丸未數

服而歿於京今之專門治蠱者卽此方也又名黑
丸子用之無不速亡

蔡一素不慎起居患症同前更加手足逆冷惡寒
飲食余用補中益氣湯加附子一錢先回其陽至
數劑諸症漸愈余因他往或用峻厲之劑下鮮血
甚多亦致不起

一男子素吐痰遇怒其痰益甚胸膈痞滿此肝木
制脾土也用六君加木香治之而痊

一婦人素鬱結胸膈不寬吐痰如膠用加味歸脾

湯乃瘥

一婦人吐痰頭暈帶下青黃用四七湯送白丸子
小柴胡加白朮茯苓治之而安

一婦人元氣素弱痰氣時作或咽間不利或胸痞
等症余以爲鬱結傷脾用加味歸脾湯治之而愈
後遇恚怒前症仍作惑於衆言以爲痰飲妄用祛
痰之劑吐瀉數次變諸異症口禁不醒余以爲脾
胃復傷日用六君子一劑米飲濃煎常服匙許至
四日漸進粥食乃服前藥間以歸脾湯喜其善調

醫宗金鑑 卷三
養兩月餘諸症悉愈

△附論各項痰症

痰症有因脾氣不足者有因脾氣鬱滯者有因脾肺之氣虧損者有因腎氣虛不能攝水泛而似痰者有因脾氣虛不能攝涎上溢而似痰者有因熱而生痰者有因痰而生熱者有因風寒暑濕而得者有因驚而得者有因氣而得者有因酒而得者有因食積而得者有脾虛不能運化而生者有胸中痰鬱而似鬼附者各審其原而治之

痰者脾胃之津液或爲飲食所傷或因七情六淫所擾故氣壅痰聚諺云肥人多痰而在瘦人亦有之何也蓋脾統血行氣之經氣血俱盛何痰之有皆由過思與飲食所傷損其經絡脾血既虛胃氣獨盛脾爲己土胃爲戊土戊癸化火是以濕因氣化故多痰也遊行周身無所不至痰氣旣盛客必勝主或奪於脾之大絡之氣則倏然仆地者此痰厥也升於肺則喘急咳嗽迷於心則怔忡恍惚走於肝則眩暈不仁脇肋脹痛關於腎不哈而多痰

唾留於胃脘則嘔瀉而作寒熱注於胸則咽膈不利眉稜骨痛入於腸則漉漉有聲散則有聲聚則不利若脾氣虛弱不能消濕宜用補中益氣湯加茯苓半夏若因脾氣虛弱濕熱所致宜用東垣清燥湯若因胃氣虛弱寒痰凝滯宜用人參理中湯若因脾胃虛寒而痰凝滯者宜用理中化痰丸若因脾虛而痰滯氣逆宜用六君子加木香若因脾胃虛弱而肝木乘侮宜用六君子加柴胡頭痛宜用半夏白朮天麻湯若因脾腎虛弱寒邪所乘以